

清名家詞

共讀樓校輯

夏敬觀題



真松閣詞

運之章



楊夔生

字伯夔。金匱人。與錢唐袁通。袁棠交厚。嘗數主白下之隨園。時郭麐盛有詞名。夔生復從游。故作風與之相近。奉姜張爲圭臬。亦可見當時風氣也。卷中有戀芳衾效張小山體。蓋誤以令曲爲詞矣。

序

梁溪多詞人。國朝以來。嚴秋水宮允。顧梁汾舍人所著詞稿。至今膾炙人口。劉芙初太史晚出。受業於楊蓉裳先生之門。得其傳衣。名噪藝苑。伯夔刺史爲先生冢嗣。早歲敦敏嗜學。青緇劬好。含咀道腴。平生富著述。尤工倚聲。守其家鉢。更陶冶於唐宋諸名家。而擷其精華。攄以妙筆。江南北一時稱宗匠焉。顧以文憎命達。連不得志於有司。歲己卯。以縣丞簡發來直。始宣力於河防。旋補雄縣丞。調蠡邑。擢固安令。洊升薊州牧。鳴琴退食之暇。迺編錄真松閣詞若干卷。先以授梓。郵筒寄示。屬弁一言。余竊謂北宋詞人不襲南唐之貌。而或失之過剛。南宋則力矯剛勁險率之弊。而常流於纖膩。過猶不及。君子疑之。真松閣詞六卷。譬之於文。殆合江鮑徐庾爲一鑪之冶。古豔以樹骨。悱惻以寓情。濃郁以鑄詞。抑揚感慨以寄意。揜羣雅而成專家。傳世行遠。又奚疑哉。伯夔詩古文俱有專集。他日手自纂訂。彙付剞劂。與先世芙蓉山館全集同播詞壇。並垂不朽。斯尤余之所厚望者耳。道光甲午季春既望。石門弟方廷瑚。

拜敍。

眞松閣詞序

眞松閣詞

金匱楊夔生伯夔

石州慢 登橫城樓望賀蘭山

蕭瑟嵯峨。城倚夕陽。邊色蒼古。謫仙飛去何年。零落遺蹤堪溯。秋眸翦綠。濛濛徑寸。長松青霞萬點。明如許。瑣細彈丸。問是絡藤峯乳。輕屨也應散髮。遠逐麇麇。蒼巖深處。剔雪尋妍。空際碧花微唾。山深處。積雪凝沍。終古不消雪。中開蓮花色。白蕊圓氣。極芬郁。洵異卉也。襟期何以。迴然嵩洛間情。幽馨拂拂生眉宇。我欲買柯林。向此中消暑。

木蘭花令 靈武環城月湖烟景渺瀰可喜暇日偕數友野步作詞以記適

野廬老樹孤雲鎖。落葉紛鋪欣可坐。南湖秋水曲通濠。北里鄉亭如繖大。芒屨草香三徑破。昨日豆花棚下過。忽然迎面好風吹。一點流螢烟際墮。

高陽臺 新秋息園晚眺

雁起荒蘆。鵲拳新竹。青山屋上參差。白雨前宵。樹頭颯颯催詩。虛堂清寫桐三尺。有故園、泉石遐思。記重來、飄盡凝雲。晴老烟絲。樓臺依舊饒幽蒨。只怪他去燕寒到先知。可識籬花者番疏瘦多姿。秋痕澹勝春濃處。在斜陽、蒼翠明時。更關心、涼夜推扉。新月如眉。

昭君怨

記得榴裙翻酒。暖傍香篝熏透。容易夕陽斜。泰娘家。幾日薄陰愁悶。不及新晴清潤。秋錦小房櫳。雁來紅。

風入松 曉行鳴沙洲

亂山銜月一輪斜。清淚落邊笳。居人未醒茅茨夢。松杉影、自畫龍蛇。彷彿渭南村舍。平泉磨洗雲沙。風鳴空穴走氈車。未放薄帘遮。殘衫破帽尋詩去。飄零感、莽莽天涯。不是騎驢長吉。錦囊細纈圓花。

南鄉子 偕周二筇雲爲漢遊初龍寺觀眞珠泉寺在高平城西二十里

略約寺門通。芒屨輕穿野竹叢。千滴墮瀾翻澗瀑。溟濛。猿夢西懸雪嶺松。新月下
珠宮。慈姥巖前玉蘚封。碧糝靜餐雲子滑。玲瓏。便卷精簾第幾重。

壺中天 會飲文氏園用玉田養拙園夜飲韻卽書贈文秀才登玉

溪堂十笏。映松皮石髮。滿簾蒼綠。便釣仙潭雙鯉去。我愛風漪千曲。吹澀寒竿。飲深
香酎。醉倒春星屋。海蟾未上。樹根紅漏殘燭。地非楚山荆山。漫郎詩俊。秀色真堪
掬。不掃白雲呼與語。定有清言霏玉。戾閣琴書。當門禾麥。任抱疏烟宿。故鄉田瘦。何
時歸種修竹。

過礪歇 青銅峽

孤峭摩天路漫滅。雙厓奇特。羣峯四旁森列。似矛戟。出峽奔濤何急。雷輶聲轟。聒
風起。怒鶻驚飛響磔磔。洪濛誰試。手斲斷雲根。削成奇骨。終古無人跡。苔蝕藤纏。
老樹杈枒。蒼烟深處。往來惟見猿猱擲。

又 百塔寺

古寺嵯峨倚山側。松杉深黑，睨日尋幽興。劇理輕策。閒撫階前怪石。峭蒨玲瓏極。飄堂廢。開士何年駐飛錫。登高宜眺。聽疊嶂攢雲。驚濤滾雪。欄楯浮空碧。苔磴無塵。跌坐多時。舉鞭試數。巖腰矗矗浮屠百。

菩薩蠻 宿峽口禹廟同筇雲作

荒榛細路趨靈閣。蒙龍天半聞清鐸。神壁畫波濤。水官蘆葉袍。殘燈松映碧。如坐崧陽驛。山殿護風雲。人眠虎過門。

生查子 靈武寒夜

歲晚客殊鄉。歸夢迷南北。疏葦替梅花。亂落青羌笛。山樓忽見燈。隴雁初逢雪。萬木立寒僵。柝打孤城黑。

漁家傲 空同山龍日禪院

絕磴巉岼天尺五。仙雲只傍仙梯住。似勝探奇華不注。松缺處。羅羅翠石千鸚武。日上經幢聞粥鼓。倦遊且共山僧語。戶外紫烟橫一縷。三月暮。桃花滿地青羊臥。

湘春夜月

觀靈武陸氏所藏仇十洲臨李龍眠白描圖卷 龍女牧羊圖

聽琤琤。湘靈鼓瑟初終。又早羅襪輕鉤。小謫出珠宮。一點君山月落。盼涇陽霞色。紅透天東。只千羣段蹙。驅來浩渺。羞說耕龍。冰簪敲斷。殢人嬌怨。直恁惺忪。細認沙頭。斑竹有。幾絲酸淚。添染愁紅。帛書繫未似。羈臣數遍征鴻。潮又遠。覓龍堂何處。極空搖碧。誰訊槎風。

八犯玉交枝

前題 天女絡絲圖

卷幔涼柔。繚垣陰釅。空館蘭香初降。隱几東陽琴瑟古。值得練絲分貺。交花締網。莫教怨緒迴環。由來碧落愁千丈。聽否一繩雁外。冒輪風響。數聲尖咽。有時似縑似紡。明痕只共秋長。想擘水鉤烟情況。漸研冷。田田瓊掌。試織作。綃紈微亮。團團入手。雲蕤颺。六月彈蠅。玉窗羅幕添蕭爽。

玉女迎春慢

前題 玉女投壺圖

三素雲中。瓊籤直。攜出蕊宮花徑。聽過玉晨清磬。纖指嫩涼猶凝。吹蘭氣靜。待壺口、

輕烟搖定。瞥然一擲。肅肅勾陳。闌月如井。不是拂局彈棋。星眸側注。巧煩心性。對面銀鸞舞影。生怕翼風飄引。百嬌都勝。好博得。電光翻錦。水樂丁東。二十四枝齊迸。

憶秦娥

愁天氣。開門澹月陰陰地。陰陰地。粉塘數點。密梅花細。微寒一翦吹羅袂。可憐翠陌歌樓閉。歌樓閉。馬嘶人遠。琴心如水。

減字木蘭花 夜起

天何嘗曉。窗外月和霜色皎。鵲夢同時。喚起南雲繞北枝。今宵寒重。一樹梅花甘受凍。半樹微溫。煮藥房櫳尙有燈。

朝中措

級蘭佩玉寫瀟湘。硯北楚天長。數點亂峯。烟樹歸鴉。自識山莊。桃飛短晝。杏飄斜日。誰拾愁香。錯怪東風。吹送柳花。澹了春光。

清平樂

樓頭天晚。雨溼疏雲嬾。西子眉痕無此澹。畫箇生綃團扇。琵琶絃語淒涼。攜來錦瑟偏長。且看一雙鸚鵡。飛穿十丈紅薔。

浪淘沙

風起畫檐西。一片斜暉。無言我自看春歸。燕踏簾鉤鶯坐樹。齊讓花飛。柳外玉驄嘶。遊侶應稀。最關心事故瞞伊。從此香車蹤跡杳。挑菜長堤。

玲瓏四犯 登德清玉塵峯浮遠樓

疊巘砌藍峭。岑鐫碧。飛樓縹緲雲路。浩歌攜謝屐。遠躡盧敖步。危楯玲瓏漫撫。倚高寒。鬢絲千縷。半壁晴湍。數峯蒼石。霞杪畫秋樹。空翠冷沾衣履。乍泠泠松籟。如聽風雨。雁邊秋去遠。天澹長烟暮。乾坤靜裏堪舒歎。又打起。清時鐘鼓。悄延佇。眺綠野。幾家桑苧。

章臺月

舊遊池館。柳門烟鑰誰勾管。酴醿落盡成秋苑。幾點飛英。飄入樹陰慘。金梭淅瀝

鮫綃軟。麥晴時候應分浣。買花小女懷芳倦。不識新愁。較量紅深淺。

雙鷓鴣

森森秋江烟浪。瑟瑟荻蘆風響。吹笛酒家樓上。樓下千舟來往。日日三三兩兩。不待潮平潮長。何處知他歸舫。一船獨打雙槳。

鬲溪梅令 舟過橫塘

碧窺菱鑑漲紋平。漾吳舫。漫向曉涼妝鏡、見飛英。翠翹何處尋。紅犀小扇趁新晴。野風輕。十里芰荷香遠、石橋橫。橫塘潮自生。

慶春宮

吳淞垂虹橋。宋紹熙閒白石道人同俞商卿銛朴翁自封禺歸梁谿道經於此相與倡和嘗賦是調亦千載一時之樂也壬戌七月既望予自梁溪遊吳興月夜著越練單衣艤舟橋側蒼楓蕭森螢點亂綠涼風皺波柳影畫缺卮酒小飲薄醉清夢遂解勝囊取白石詞於野綠疏處扣舷高歌慨念陳迹淒然久之亦倚此詞卽次原韻憑虛以弔

斷碧分山。疏青畫樹。蘭舟夜艤空闊。雨過湖天。涼蟾破暝。素鷗夢穩蘋末。澄潭照影。聽擊雪。櫂謳聲發。當年高躅。賸有危橋。蒼烟低壓。翠消菱鏡涼初。兩槳來時。賦愁誰答。望極雲波。酒醒夢遠。岸幘高歌難遏。滿襟幽意。還想像。紵衫羅襪。拏音遙去。穿入溪烟。曉光一霎。

聒龍謠

鄺湛若天風吹夜泉。硯向藏王蘭泉司寇家。

縷石凝脂。澗巖浪重。搏手青花黝細。投筆蠻天。逐翩翩書記。度藤峽。月洗新泉。題銅柱。電流長袂。羨當時。繡額花冠。曾捧侍水蒼珮。搜赤雅。寄瓊思。任潑墨點點。蝶綃香麗。孤蘭瘞後說。山賓歸矣。賦西京。字擲鯨牙。入東觀。諾書鳳尾。看一絲。薄暈輕潮。女嬃碁底。

菩薩蠻

宿靈隱寺僧樓

北峯雲接南峯雨。冷泉亭畔幽人語。遠火動疑燈。松橋度夜僧。石根喧暗瀑。似隔濛濛竹。莫道古潭空。深藏摩頂龍。

點絳脣 江上送友人

杳杳微微去帆。尙見當斜照。岸花汀草。寂寞惟鷗鳥。
柳故吹棉。要我知春老。江村小。墟烟孤裊。歸去黃昏了。

小重山 題王石谷畫卷

葑上田荒接石缸。催耕啼不歇。鶉鳩雙。社時風雨杏花降。春還在。老屋小書窗。居
士合呼龐。家中何所有。酒平缸。竹溝水活入烟江。無舟艤。漫漫欲生莊。

琴調相思引

浪逐桃花燕子河。絲絲楊柳舞晴梭。畫船愁滿爲聽窈娘歌。東晉年華芳草短。南
唐春日碧雲多。昨宵中酒燭淚浣香羅。

減字木蘭花 初秋泛舟

藤撓劃水。淺碧疏籬搖短葦。涼暈單紗。渚暝蘭風漾玉沙。林藏石屋。松頂月高飛
水鶴。野色依微。獨夜尋詩一舸歸。

八聲甘州 癸亥七月既望夜景冥鬱略無塵穢同袁蘭村通登江亭

趁夕陽、筇笠果幽尋。莫負好旗亭。引平泉花竹，生香不斷，著處秋痕。罨畫半奩涼暝，魚夢聚蘆根。舊日題紅地，活水流雲。人與西風是客，載荷筒酒苦，重款青尊。漸葦衣疏索，霜黯拾蓬螢。悵韋郎、清愁似織，換秋眉、新綠與山分。沈吟久，一星窺塔，紅樹斜門。

湘月 新雪初積孤坐寓齋薄飲畏寒感懷鄉里因倚白石道人念奴嬌兩指聲一闋書寄故園諸子

詩襟換日，恁催殘時序，歸計難準。片雪飛來儘到處，吹斷尋常風信。柳古邀雲，梅遲閣夢，檐曲通幽暝。薄游應倦，烘鑪莫負清飲。倩誰彈冷瑤琴，玉妃起舞，理烟鬟霧鬢。延竹聲疏更甚日，去覓西溪漁簪。一舸滄灣，寒依沙鳥，只就蘆邊聽。鄉書分付，故人樂事重省。

壺中天 題李虎觀邦燮二丈梅梁漁隱圖

漁莊深隱。愛圍籬花樹。野烟疏曲。尺幅溪山圖畫古。嵐影遠浮蛾綠。波展空明。雲生虛白。春暝通沙屋。珊竿靜戛。元真當日高躅。休歎京國衣塵。他年歸去。鷗夢宜重續。隨意琴書瀟灑甚。蒼雪冷飛深竹。折笛吹花。移涼泛舸。清絕耽幽獨。飄然詩思。霽蟾遙掛團玉。

高陽臺

錢謝奩枚。丈綠枷桺精舍。小集送邵蘭風。廣銓之河間。

簾額遮香。闌腰過酒。天涯小聚清歡。君去非歸。依然柳老江潭。尊前試弄桓伊笛。帶商聲。別淚偷彈。更微吟。雪屋燈明。詩夢清寒。頻年我亦羈京國。況客中送客。歲晚風酸。見說來朝。載愁只有征鞍。桑乾水凍流澌咽。爲離人。怕聽驚湍。剩離情。黯作空雲。吹滿遙巒。

卜算子

曉起王雪舫浩齋頭看梅花

客去故人來。分付花迎送。鵲踏橫檐雪一枝。畫出江南夢。重欲照西施。冷澹妝知否。愁漪凍。

池閣曉風吹。惻惻寒威。